


世界書局印行

景印
藻堂

四庫全書薈要

集部
第一四二冊
總集類





本冊目次

書名及撰人	卷次	頁次
元詩選初集六十八卷卷首一卷二集二十六卷三集十六卷 清顧嗣立編 二集	卷七至卷二十二	四八九— 一

欽定四庫全書薈要

集部
元詩選二集卷七

詳校官編修臣王天祿

欽定四庫全書薈要卷二萬四百三十五

集部

元詩選二集卷七

長洲 顧嗣立 編

小裕實哈雅酸齋集

小裕實哈雅阿爾哈雅之孫父名格濟格裕實遂以格為氏號酸齋年十三膂力絕人使健兒驅三惡馬疾馳持槊立而待馬至騰上之越二而跨三運槊生風觀者辟易或挽彊射生逐猛獸上下峻阪如飛諸將咸服其趨捷稍長折節讀書初襲父官為兩淮萬戶府達嚕噶齊鎮永州一日解所綰黃金虎符讓弟呼圖克哈雅佩之北從姚燧學燧見其古文峭厲有法及歌行古樂府慷慨激烈大奇之俄選為英宗潛邸說書秀才仁宗踐祚拜翰林侍讀學士中奉大夫知制誥同脩國史乃稱疾辭還江南泰定元年五月八日卒年三十九贈集賢學士中奉大夫護軍追封京兆郡公諡文靖酸齋晚年為文日邃詩亦冲澹草隸等書變化古人自

欽定四庫全書

元詩選二集
卷七

成一家其視死生若晝夜絕不入念慮臨終有辭
世詩云洞花幽草結良緣被我瞞他四十年今日
不留生死相海天秋月一般圓洞花幽草蓋二妾
名也酸齋休官辭祿後或隱屠沽或侶樵牧常於
臨安市中立碑額貨賣第一人間快活九人有買
者展兩手一大笑示之領其意者亦笑而去一日
錢唐數衣冠士人游虎跑泉飲間賦詩以泉字為
韻中一人但哦泉泉泉久不能就忽一叟曳杖而

至應聲曰泉泉泉亂迸珍珠个个圓玉斧斫開頑
石髓金鉤搭出老龍涎衆驚問曰公非貫酸齋乎
曰然然然遂邀同飲盡醉而去其依隱玩世多類
此

桃花巖 并序

白兆山桃花巖太白有詩近人建長庚書院來京
師時中書平章白雲相其成求詩於詞林臣李秋
谷程雪樓陳北山元復初趙子昂張希孟與僕同

賦

美人一別三千年思美人兮在我前桃花染雨入白兆
信知塵世逃神仙空山亭亭伴朝暮老樹悲啼發紅霧
為誰化作神仙區十丈風烟挂淮浦暖翠流香春自活
手撚殘霞皆細末幾回雲外落清歎美人天上騎丹鶴
神遊八極棲此山流水杳然心自閒解劍狂歌一壺外
知有洞府無人間酒酣仰天呼太白眼空四海無纖物
明月滿山招斷魂春風何處求顏色

美人篇

仙風雕雪玲瓏溫吳姬翦月纖纖昏行雲補髻翠光滑
鳳凰叫落空山月手摘閒愁八字分春山恨重畫不伸
肌濃汗膩朱粉勻背人揮淚妝無痕霜刀自製石榴裙
閉門不識諸王孫綠烟熏透一作暖藍田玉羅帶隨風換
裝束飛鳥銜怨過長門芳菲不忍韶華屋連環步窄玉
佩響霓裳袖闊春一作東風長釧鬆腕瘦覺多情舉手搔
天天亦癢錦香一作枕昏帳冷蘭燈沉落花不入芙蓉衾三

山路杳銀河深彩鸞高訴愁人心天與美人傾國色不
如更與美人節夢裏梅花夢外身萬古千年對一作明

月貫酸齋以樂府得名同時有徐某號甜齋時號酸甜樂府

君山行

北溟魚背幾千里負我大夢遊弱水蓬萊隔眼不盈拳
碧落香銷吹不起茜裙女兒懷遠遊遠人不歸明月羞
寶釵綰髻翠欲流鳳鬟十二照暮秋女媧煉石補天手
手拙石開露天醜瓊樓玉宇亦人間直指示君君見不
斯須魚去夢亦還白雲與我遊君山

欽定四庫全書

元詩選二集
卷七

四

畫龍歌

老墨糊天霹靂死手擘明珠換眸子一潛淵澤久不躍
泥活風鬚色深紫虬髯老子家燕城怒吹九龍無餘燈
手提百尺陰山水連雲塗作蒼龍形槎牙爪角隨風生
逆鱗射月干戈聲人間仰視翫且聽參辰散落天人驚
瀟湘浮黛蛾眉輕太行不讓蓬萊青烈風倒雪銀河傾
珊瑚盞闊堪不平吸來噴出東風迎春色萬國生龍庭

七年早絕堯生靈九年滂漲舜不耕爾來化為霖福
為吾大元山海足

觀日行并序

丁巳春三月余之所謂寶陀山顛有石曰盤陀可
觀之初疑其大不可量既歸宿作方夜半之餘詩
僧魯山同賦

六龍受鞭海水熱夜半金烏變顏色天河蘸電斷鼇膊
刀擊珊瑚碎流雪朔方野客隨雲閒乘風來游海上山

欽定四庫全書

元詩選二集
卷七

五

飛驪拖空渡香水地避中原雜聖凡壯鼇九尺解霜鼓
瘦紋巨大自掀舞驚看月下墨花鮮欲作新詩授龍女
人生行此丈夫國天吳立濤欺地窄乾坤空闕落春帆
身在東南憶西北

采石歌

采石山頭日頽色采石山下江流雪行客不過水無跡
難以斷魂招太白我亦不留白玉堂京華酒淺湘雲長
新亭風雨夜來夢千載相思各斷腸

別離情

吁別離之苦兮蒼梧之野春草青黃陵廟前春水生日
暮湘裙動輕翠玉樹一作修竹亭亭染紅淚又聞垓下虞姬
泣斗帳初驚楚歌畢佳人閣淚奔英雄劒血不銷原草
碧何物謂之別離情肝腸剝剝如銅聲不如斫其竹翦
其草免使人生謂情老

蘆花被 并序

僕過梁山泊有漁翁織蘆花為被僕尚其清欲易

之以綢者翁曰君尚吾清願以詩輸之遂賦果却

綢

採得蘆花不浣塵翠蓑聊復藉為裯西風刮夢秋無際

夜月生香雪滿身毛骨已隨天地老聲名不讓古今貧

青綾莫為鴛鴦妒欸乃聲中別有春

歐陽玄撰格裕實
神道碑云裕實嘗

過梁山澤見漁父織蘆花絮為被愛之以綢易被漁父
見其貴易賤異其為人陽曰君欲吾被當更賦詩公援
筆立成竟持被往詩傳人間號
蘆花道人公至錢唐因以自號

秋江感

澄淨秋江一舸輕不堪蹤迹樂平生西風兩鬢山河在
落日滿船鴻鴈聲邨酒尚存黃閣醉短檠猶照玉關情
料應今夜懷鄉夢殘月蕭蕭月二更

蒲劒

三尺青青古太阿舞風斫碎一川波長橋有影蛟龍懼
流水無聲日夜磨兩岸帶烟生殺氣五更彈雨和漁歌
秋來只恐西風惡銷盡鋒稜恨轉多

三一菴

茅棟蕭蕭水石間放懷終日對林巒夢回不覺丹臨砌
吟罷始知身倚闌藥碓夜春雲母急石餅秋迸井花寒
羣魚亦得逍遙樂何用機心把釣竿

神州寄友

滄海茫茫叙遠音何人不發故鄉吟十年故舊三生夢
萬里乾坤一寸心秋水夜看燈下劒春風時鼓壁間琴
邇來自媿頭尤黑贏得人呼小翰林

思親

天涯芳草亦婆娑三釜淒涼奈我何
細較十年元下淚不知慈母線痕多

題陳北山扇五首

秋鳴無數醉秦娥却把輕風惹扇羅
明月碧澄天似水此山雲氣動纖波

紅旭如鉛海上來蒼蒼烟霧小蓬萊
東風昨夜醇如酒吹得桃花滿樹開

翠幕低垂護午陰碧餅裏面水痕深
東風截斷人間熱

欽定四庫全書

元詩選二集

八

勾引清涼養道心

一簾明月倚闌干宇宙尤宜就夜看
飛上仙查河漢近

手招沆瀣海銅盤

功成不用服丹砂笑指雲霞總是家
清曉山中三尺雪

道人神氣是梅花

題廬山太平宮

山上清風山下塵碧沙流水淺如春
不知松外誰敲月

驚動南華夢裏人

題岳陽樓

天遠岳陽樓影孤下窺夢澤渺平蕪
城南老樹依然在試問仙童重到無

題練川書隱壁

朝來策杖輕天涯東風落腳山人家
悠哉野服棄俗態蕭然未受豪華加
兒兮子兮嬉且悲燈昏小帳連依依
山人已有春微微吾儕必欲留新題

簞簞樂為西瑛公子

欽定四庫全書

元詩選二集

九

雄雷怨別雌雷老雲海鏹沙地無草
關塵不受紫檀風

三寸蘆中元氣巧微聲鱗鱗喘不栖
魑魅夢哭猩猩饑

壯聲九漏雪如鐵酥燈燄冷春風滅
神妻夜傳觴饅杯

倒解昆侖飲腥血紫臺雲散月荒涼
歸路人稀腔更長

岳陽樓

西風吹我登斯樓劍光影動乾坤浮
青山對客有餘瘦游子思君無限愁
昨夜漁歌動湖未一分天地十分秋
當塗郡有脫鞵亭以謫仙采石得名
乃繪之圖

而贊以詩

錦袍兮烏幘神清兮氣逸凌鑠兮萬象麾斥兮八極我
思古人兮李太白孰為使之朝禁林而暮采石也其天
寶之嬖倖歟公則何所於欣戚

山谷守當塗方九日而被謗謫宜州遂作返棹
圖而系之詩

幅巾兮野服貌腴兮神肅孤騫兮風雅唾視兮爵祿我
思古人兮黃山谷曷為使之六年焚道而九日姑孰也

欽定四庫全書

元詩選二集
卷七

十

其符紹之朋黨歟公則何所於榮辱

初至江南休暑鳳凰山

路隔蒼苔卒未通泉花如髮玉濛濛蛟浮海近雲窗溼
蟲怯山寒葛帳空高枕不知秋水上開門忽見莫帆東
物華萬態俱忘我北望惟心一寸紅

宮詞

風外丁當響珮環玉人依約凭湖山侍兒報有君王命
月下輕輕整翠鬟

鄧文原素履齋稿

文原字善之一字匪石綿州人父漳徙錢唐文原
年十五通春秋在宋時以流寓試浙西轉運司魁
四川士至元間行中書省辟為杭州路儒學正大
德間調崇德州學教授擢應奉翰林文字陞脩撰
至大三年出授江浙儒學提舉皇慶元年召為國
子司業科舉制行文原校文江浙慮士守舊習大
書朱子貢舉私議揭於門延祐四年陞翰林待制

欽定四庫全書

元詩選二集
卷七

十一

出僉江南浙西道廉訪司事移江東至治二年召
為集賢直學士兼國子祭酒泰定元年以疾乞致
仕歸致和元年卒年七十一制贈江浙行省參知
政事諡文肅所著有讀易類編內制集素履齋稿
義烏黃潛曰公為文精深典雅溫潤而有體確實
而有徵詩尤簡古而麗逸句章任士林曰善之渾
厚以和沈潛以潤如清球在縣明珠在乘當大德
延祐之世承平日久善之與表伯長貢仲章輩振

興文教四海之士望風景附王士熙馮思溫名位
為最顯亦皆出善之之門文章之柄悉歸焉其盛
事可想見也

雨中次范德機見寄雜興韻

窮巷積陰雨離居寡悰情安得埽埃風逍遙余上征長
日有逝川春花無晚榮永懷山澤居好遯潛英聲於陵
方灌園龐公不入城此意豈忘世詠歌以濯清今我夢
江國噉噉鷓鴣鳴不憂芳草歇但恐白髮生歸休企前
哲矢言著貞誠悠悠莫識察思子攜手行

欽定四庫全書

元詩選二集
卷七

十三

題高尚書夜山圖

吳山面滄江中秋氣颯爽樓居謫仙後公退謝塵鞅孤
月出海上高懷一俛仰佳哉高侯畫得意超象罔我來
秋向晚月色寒莽蒼山遠落木淨風高怒潮響奔騰萬
雲氣忽駕蒼虬上平湖雨翻江渺渺波蕩槳回思圖畫
時歲月儵已往山川更晦明陰陽遞消長人生何獨勞
局促老穹壤我將乘倒景千載縱清賞松喬遺世人一

笑凌煙像

題丁氏松澗圖

天目之峰凌紫烟下周林壑紆長川清池斗絕涵倒影
神運直自疏鑿先彼美幽貞廬閒房曲奧辛夷荃蒼官
一作松手植經幾年靈虬天矯今參天門前朝流暮流水
但聞激石瀉瀨鳴濺濺山人養真衡茅下有書可讀琴
可絃意行清澗曲長歎松風前山溪一作月出林高溪花
弄春妍仙人歌一作欲來夜將半天空鶴唳山淒然飈塵

欽定四庫全書

元詩選二集
卷七

十三

大笑狂馳子口誦丹訣傳真玄我欲從之結鄰屋得疏
藥圃謀芝田

山中居

山人獨向山中居風雨不庇三椽廬短衣破帽家無儲
形忘意適心自娛挂壁拄杖懸珊瑚鬼神遯迹蛟龍趨
眼前不識為妻孥生平豈解躬耕鉏黃精採苗供晚鋪
碧溪飲泉傾瓠壺行歌紫薇眠枕書夢遊滄海坐釣魚
雲霧煙霞同卷舒狙猿麋鹿相驚呼顛崖蒼蒼日欲晡

舉手拊掌笑挽鬚起望八極吞五湖喬松在足憑空虛
有客跨鶴來須臾龐眉皓齒當坐隅綺語唾落飛明珠
翻身別去登康衢寄言擊壤人有無茅茨風俗今何如

梁貢父學士江行阻風圖

匡廬枕長江彭蠡居上游我幼不識風濤怒但喜青山
縣亘急櫓鳴中流老來行道增百憂山有虎兇水次多
蛟蚪梁公示我江上圖空齋颯爽回高秋想見飛廉簸
蕩驅陽侯雷鼓動地萬貔貅連檣十日不得發何異駿

欽定四庫全書

元詩選二集
卷七

十四

馬伏櫪鷹在韝行人徼福古祠下潔觴置酒旨且柔小
姑倚絕岸彭郎渺孤洲脈脈關情隔烟水不如天孫絕
漢從牽牛明發風止江鏡淨楚天無際來櫂謳回首繫
舟處惟有參差烟樹飛鳬鷗世事翻覆那有定人生憂
樂為誰謀慨彼東逝川白日不得須臾留濯滄浪委浮
休買田結屋山之幽擷芳釣鮮亦足樂安用高門列鼎
冠蓋誇鳴騶

贈墨士吳雪堂

永寧賜筆世安有易水良工今不傳了知膠漆用相得
亦悟膏火明自煎昔從蒙莊觀副墨老歸芸閣窮太玄
與子欲擬毛穎傳待我暇矣磨墨甄

滿目雲山樓

一作米元暉
雲山短卷

芳草孤舟度幽居一徑通

一作雲

江湖春雨外墟里暮烟

一作分

機息鷗先下花飛水自東

一作亦芬

臨流一作氣氤無限

意畫史若為工

一作畫裏
識數文

伯夷頌

欽定四庫全書

元詩選二集
卷七

十五

心田垂世遠手澤歷年殊誰購山陰叙真還合浦珠身
惟名不朽書與道同符諸老珍題在猶堪立懦夫

送吳宗師南祀歸二首

國老分茆社祠官從使星鶴書來澗谷羽節動仙靈寸
草春逾碧黃花晚獨馨真人有五采歸受蕊珠經
草木南薰候神仙上界官平生脩月斧萬里御風翰江
雨鳴星劍涼空憶露盤白鷗秋水外相與醉憑闌

陪高彥敬游南山

不到南山又二年
離離秋草映寒泉
東林蕭散開蓮社
西晉風流擢酒船
古寺雲煙終日合
長松風雨半空懸
謝公未了登臨興
故向禪房借榻眠

十月十日出都城二首

倦客愁深素髮生
分甘投劾謝塵纓
老來每愧公車召
歸去何須祖帳榮
紅葉早霜催歲晏
白鷗野水與雲平
腐儒漫任真無補
深負巖居與谷耕

朝擁皋比夕短檠
病餘靜息厭勞形
閒情只合營三徑
便腹那能貯五經
忝侍禁幃慙啓沃
欲尋耆社覺凋零
歸歟嘯傲西湖上
時看晴雲度翠屏

三月廿九日上御流杯亭聽講明日子翬司業

有詩因次韻

只尺天顏仰照臨
緝熙盛事見方今
上林花接南薰蚤
流水春涵太液深
寒士簡編窮皓首
野人芹曝抱丹心
退朝欲草清平頌
散作成均木鐸音

送劉時可還括蒼兼寄洪中行

洪郎不來魚鴈稀
君今歲暮告我歸
故人青燈山水屋
游子白苧風霜衣
時俗俛仰妨道性
聖哲出處存天機
東還石門對飛瀑
卧看寒月投窗扉

贈白君舉

昆侖西日水東溟
何處清一作東風起獨醒
遠道雲烟今古樹
行人朝暮短長亭
草鋪平野春如剪
花落重門晝不扃
不有茅茨容獻傲
終南山色為一作與誰青

送人游天台

此去蘭亭脩禊後
平明驅馬試征衣
海邊山盡天無盡
花底春歸人未歸
一雨潮生魚入市
遠巖月上鶴投扉
舊游二十年前路
孤負東風賦采薇

壽何平章

位正三台拱太微
德人山立玉揚輝
致身直道難諧俗
救世危言易觸機
空谷霜嚴蒼檜在
長空雨盡白雲歸
閑庭燕坐觀春草
依舊東風自款扉

題子昂馬圖

奔騰駿骨雲路長蕭灑神髮風露涼沙場春牧草肥雨
野微秋嘶楓隕霜三關戰士黃金甲五陵俠客紅絲韁
朝羈暮絡祗腸斷華山烟樹遙蒼蒼

題林彥文詩卷兼送南歸

東周離黍先亡雅南楚崇蘭又變騷上下漢唐觀體裁
古今李杜擅雄豪青林曉日鳴雙鳥碧海秋風釣六鰲
白髮詩翁會天趣吳山一笑返漁舸

都中送元傑道士南歸

授節仙山得過家都門津柳動春華還鄉近似千年鶴
奉使榮於八月查古井雲封丹竈藥舊松風掃石壇花
道人冠劍鳴瑤佩豈必高車畫錦誇

奉題延祐宸翰并序

欽惟仁宗上承祖武蒐羅俊彥求治靡寧尤尊禮
儒臣務敦風化由是治書侍御史臣郭貫擢禮部
尚書凡在選者六人惟貫進秩有加親灑宸翰昭
示龍光忝備臣僚咸增鼓舞集賢直學士臣鄧文

原謹拜手稽首而作詩曰

宵旰需賢表薦紳秩宗首選贊華勛官聯天府璇璣象
帝闡河圖琬琰文曾聽簫韶瞻晚日仰攀弓劍泣秋雲
小臣作頌稱仁聖湛露承恩未足云

題小薛王畫鹿

禮樂河間雅好儒曾陪校獵奉鑾輿畫長靈園觀游後
政暇嘉賓燕集餘蛺蝶圖工人去久騶虞詩好化行初
宗藩翰墨留珍賞憑仗相如賦子虛

題謝氏通濟橋

潯陽川上壓雲濤迴若仙山駕巨鼇磬石不愁僧路滑
傾金寧計鬼工勞泛查客去銀河近題柱人歸玉壘高
此地通津足佳興楚歌明月放輕舸

郎中蘇公哀挽

志道

塞垣重鎮雪雲堆畫諾人稱幕府材流馬道艱逢歲儉
涸魚民病得春回陽關猶記歌三疊杜老俄成賦八哀
夜靜燕臺山月冷祗疑化鶴一歸來

送李彥謙御史之西臺

霜風十月長安道健鶻凌空淨羽毛地控函關西極重
星聯執法太微高鑄金古鼎姦先伏發刃新硎用欲韜
雅志澄清付公等我懷江海放漁舸

送鮮于伯機之官浙東

衣冠文獻叅諸老臺閣功名負此公十載黃塵看去馬
萬山青眼送飛鴻揮毫對客風生座載酒論詩月滿篷
昭世需才公論定起分春雨浙江東

送張綱父教官

我友白蘋洲畔客忽凌風雪問征塗南州歲晚尋高士
西塞烟深憶釣徒呼酒江船春水動讀書山館雨燈孤
無錢自媿蘇司業聊賦驪駒為子娛

贈趙鍊師奉祠南海會稽

函香南國羽衣師東統稽山謁禹祠使馭穩如乘白鶴
仙都歸及采玄芝文園進橐無封禪宣室求言有受釐
書就會同靈貺詞人休誤九歌辭

欽定四庫全書

元詩選二集
卷七

二十

送姚利用入京

雪晴川淨駕飛桅舟入河水二月開壯士不緣彈鋏去
故山曾見爛柯來上林淑氣催花柳盛代英雄擢草萊
青眼諸賢如問訊為言衰病懶登臺

獨立

數盡飛花一愴然壯心迢遞夕陽邊十年人事空流水
二月風光已杜鵑過眼青春寧復得浣人黃土絕堪憐
故園尚有平生約可使蒼苔到石田

正旦有感

干戈短景去怱怱回首南朝一夢中世事盡隨天道北
春正依舊斗杓東四時玉燭堪調燮萬國車書想混同
寂莫荒山老松樹看渠梅柳競春風

清明省墓

短櫂吳歌花滿川春帆愁斷蓼莪篇小溪蘋藻墻間祭
春雨桑麻墓下田黃壤有靈終異土青山無樹半荒阡
傷哉巴峽松楸路孤兔蒼寒六十年

欽定四庫全書

元詩選二集
卷七

二十一

趙孟堅水墨雙鉤水仙長卷

仙子凌波佩陸離文魚先乘殿馮夷積冰斲雪揚靈夜
鼓瑟吹竽會舞時海上瑤池春不斷人間金盃事堪疑
天寒日暮花無語清淺蓬萊當問誰

松雪翁桐陰高士圖

玉立桐陰十畝蒼託根何必在朝陽迎風簌簌秋聲早
灑雨陰陰月色涼勝事只消琴在膝野情聊倚石為牀
高人自得坡頭趣不為花開引鳳皇

欽定四庫全書

元詩選二集
卷七

三

除夕書懷

年光逝若片帆輕坐惜宵分到啓明客舍張燈浮大白
禁鐘和漏隔華清攝提北斗中天運太乙東宮吉日迎
身在詞林無寸補幾陪鴛鴦聽雞聲

萬歲山廣寒殿

雪殘春意滿仙臺碧樹青蔥翠作堆三島靈山浮海至
九天丹闕倚雲開仗穿玉兔輪中出輦跨金黿背上來
欲獻甘泉辟雍賦白頭零落媿非才

三月晦遊道場山宿清公房與成父同行二首

絕頂軒窗納晚晡下方燈火聽鐘魚天連震澤涵元氣
地涌浮圖切太虛涼立松風觀石溜晚尋樵徑扣僧廬
孤亭山麓荒苔積猶想幽人夜讀書

澗石縈紆紫竹叢晴雲吹落水晶宮夜寒身宿羣峰頂
花盡春歸萬木中儻買山田營破屋時過僧寺駕孤蓬
只應渺渺軒前路杖履長陪鶴髮翁

文湖州竹二首

欽定四庫全書

元詩選二集
卷七

三

翰墨真儒者事書生如山未知判取詩書萬卷來看風
霜一枝

此老墨君三昧雲山發興清奇我在蓬萊書府曾看曉
靄橫披

題陶淵明像

詩中甲子春秋筆籬下黃花雨露枝便向斜川頻載酒
風光不似義熙時

袁安卧雪圖

門外雪深泥沒膝幽人懷抱自春風可憐令尹無高致
乘興何須見此公

松雪臨郭熙溪山漁樂

峭石浮嵐俯翠微瀑流飛雨散林霏漁舟來往清溪曲
悵望行人古道稀

松雪墨梅

憶昔衝寒踏雪時百花零落願開遲如今收拾橫書卷
一任無情塞管吹

欽定四庫全書

元詩選二集
卷七

二十四

江參百牛圖

濕濕羣行四百蹄畊犁初罷樂相隨春風綠遍川原草
回首牧人知是誰

錢舜舉碩鼠圖

禾黍連雲待歲功爾曹竊食素餐同平生貪黠終何用
看取人間五技窮

錢舜舉瓜蔓圖

極目荒墟落木中空山人靜澗泉春秋來不用為霖雨

留得閑雲養卧龍

溫日觀葡萄

滿筐圓實驪珠滑入口甘香水玉寒若使文園知此渴
露華應不乞金盤

周曾秋塘圖卷

慘澹枯荷折葦間夫容秋水轉碕灣鳴鴻飛度江南北
却羨溪禽滿意閒

米敦文楚山清曉卷

欽定四庫全書

元詩選二集
卷七

二十五

濛濛煙樹楚江湄寂寞漁邨護短籬雲夢舟中春睡足
醉餘猶記牧之詩

李仲賓墨竹圖

石根天矯出寒梢明月空山舞翠蛟闕作江湖墨風雨
曾隨海浪過南交仲賓曾使交趾故云

郭恕先升龍圖二首

海上參差十二樓閨風玄圃綵雲浮神仙尚厭人間世
故作乘龍汗漫遊